

Դ. ԴԵՄԻՐՃՅԱՆԻ ՍՏԵՂԾԱԳՈՐԾՈՒԹՅԱՆ ԳԻՏԱԿԱՆ ԱՐԺԵՔԱՎՈՐՈՒԱԸ

Դերենիկ Դեմիրճյանը մեր սոցիալիստական վերածննդի զարաշրջանի կարկառուն ղեմքերից մեկն է—ղեկավարող ստեղծագործող մի խոշոր անհատականություն, որն իր թողած հարուստ ու բազմերանգ զրական ծառանդությամբ ինքնավայել տեղ է զբաղում հայ ժողովրդի հոգևոր մշակույթի հանրաճանաչ վարպետների շարքում, հայ ղեկավարողական մտքի մեծ-մեծերի «Վերնադանդ»։ Ընդ որում նա այն սակավաթիվներից մեկն է, որն իր ժողովրդանվեր կյանքով ու հայրենաշունչ ստեղծագործությամբ կամրջում է նախահեղափոխական դասական զրականությունը սոցիալիստական աղյուսիկի վերածննդի զրականության և ամբողջ ղեկավարողական մշակույթի հետ։

Իր գրական դարձունեության 50-ամյակի (1915 թ. ապրիլի 26) հոբելյանական հանդեսին՝ ի պատասխան իրեն տրված ջերմ մեծարանքին, Դեմիրճյանն ասում է. «Այսօր ևս կանգնած եմ իմ հայ ժողովրդի ղեհաճատման խոսքի առաջ։ Հիսուն տարի ևս խոսեցի նրա հետ։ Այսօր նա է խոսում։ ...Այսօր վերադարձնում է այդ կյանքի արժեքավորման նշանացույց նժարն իմ հակաժարի դիմաց»։

Սովետահայ զրականագիտությունը մասնավորապես վերջին տասնամյակում՝ առավել խորությամբ ու լրջությամբ «ժողովրդի ղեհաճատման խոսքն» է ասում մեծանուն զրդի մասին։ Նախընթաց երեք տասնամյակներին (1930—1950-ական թթ.) սովետահայ զրական ու թատերական ըննադատության մեջ հետզհետե ավելի ու ավելի նշանակալից տեղ են զբաղում Դ. Դեմիրճյանի ստեղծագործության գնահատման հարցերը։ Դեռ 30-ական թվականներին Դեմիրճյանի մասին արժեքավոր հոդվածներ են գրել Վ. Խերգիրաշյանը, Գ. Արուստի, Հ. Գյուլիբեկյանը (երբեմն Հ. Նայունց ծածկանունով), Մ. Շահինյանը, Ս. Սողոմոնյանը, Ս. Հարությունյանը, Տ. Հախումյանը, Հ. Մկրտչյանը, Խ. Այվազյանը և ուրիշներ։ 40—50-ական թվականներին հանդես են գալիս նաև Մ. Մկրտչյանը, Է. Թովմյանը, Խ. Սարգսյանը, Իսկ Հր. Մուրադյանը, Վ. Նախրանդյանը և Տ. Հախումյանը հրատարակիչին առանձին զրգեր Դեմիրճյանի ստեղծագործության մասին։

Վերջին քսանամյակի ընթացքում մեր զրականագետներից մասնավորապես Հր. Մուրադյանի գիտական-բանասիրական հետազոտությունների շրջանակում կարևորագույն տեղ է զբաղում Դեմիրճյանի ստեղծագործության ուսումնասիրությունը, որի նշանակալից արդյունքը նրա նոր մենագրությունն¹ է. սա հեղինակի ամենածավալուն հետազոտությունն է և ամենախոշոր դեմիրճյանադիտական աշխատությունը, որտեղ հանրագումարի են բերված մեծանուն զրդի ստեղծագործության վերաբերյալ մեր զրականագիտության հիմնական եզրակացությունները՝ մենագրության հեղինակի երկարատև հետազոտության արդյունքների և ինքնուրույն ըմբռնման հիմքի վրա։

1. Դեմիրճյանի ստեղծագործության վերաբերյալ Մուրադյանի առաջին լուրջ հոդվածները մամուլում տպագրվեցին 1940-ական թվականներին՝ «Մարդու և մարդկայնության պրոբլեմը Դեմիրճյանի պատմվածքներում» («Սովետական գրականություն», 1942, № 9—10, էջ 117—123), «Պատմական թեմատիկայի խնդիրը և «Վարդանանք» վեպը» («Գրական թերթ», 1947, № 23)։ Մի շարք այլ հոդվածներից հետո՝ 1954 թ. հայերեն, իսկ 1956 թ. ռուսերեն՝ մեր ակադեմիայի հրատարակությամբ լույս տեսավ նրա փոքրածավալ մենագրությունը Դ. Դեմիրճյանի մասին, իսկ այնուհետև հրապարակ եկավ «Դերենիկ Դեմիրճյան» ծավալուն աշխատությունը Պարզ է, որ Մուրադյանի մենագրությունը շուրջ երկու տասնամյակի խորհրդածությունների և տրքնաչափ աշխատանքի արդյունք է, մի գործ, որը պատիվ է բերում թե՛ հեղինակին և թե՛ մեր գրականագիտությանն ընդհանրապես։

1 Դ. Դեմիրճյան, Երկերի ժողովածու, հ. 8, էջ 289։

2 Հրապարակումը Դերենիկ Դեմիրճյան, ՀՍՍՐ ԳԱ հրատ., Երևան, 1961, 512 էջ։

2. Մենագրության ընդհանուր ծավալը կազմում է ավելի քան 500 էջ՝ ամբողջովին նվիրված դրողի բազմասեռ ու բազմաժանր ստեղծագործության հանդամանալից վերլուծությանն ու գնահատմանը՝ որոշակի և ընդունելի ծրագրով:

Մենագրության հետադոտական «տարածությունն» էլ ճիշտ ու համաչափ է՝ բաշխված նախասովետական ու սովետական ժամանակաշրջանների միջև՝ նկատի ունենալով, որ Դեմիրճյանի ստեղծագործական կյանքի ծանրության կենտրոնը, սերակշիռ բաժինը սովետական շրջանումն է: Դեմիրճյանի ամբողջ նախասովետական շրջանի ստեղծագործություններ (միասին վերցրած՝ պոեզիան, արձակն ու դրամատուրգիան) տրված է ավելի պակաս «տարածություն» (ընդամենը 111 էջ), քան նրա երկու պատմավիպերին (117 էջ), սովետական շրջանի դրամատուրգիային (5 դրամատիկական երկերի քննարկմանը) տրված է համարյա կրկնակի չափով ավելի մեծ տեղ (67 էջ), քան նախասովետական դրամատուրգիային (38 էջ):

Հակիրճ «մուտքից» (էջ 7—9) հետո «կյանքը» վերնագրով գլխում (էջ 9—51) հետաքրքրական ու փաստալից բնութագրումներով ներկայացվում է դրողի ավելի քան երեք քառորդ դար տևած կյանքը՝ սկզբից մինչև իր մահը (1877 թ. հունվարի 17—1956 թ. դեկտեմբերի 6):

Առանձին հետաքրքրություն ներկայացնող այդ ակնարկն իր բովանդակությամբ, մեծ դրողի կյանքի ու գործունեության ուղին բնութագրող բազմաթիվ նոր նյութերի, մինչև այդ չօգտագործված վավերագրերի մեջբերումով՝ բոլորովին Դեմիրճյանի ապագա գիտական կենսագրության համառոտ ուրվագիծն է: Առաջին տեղում այստեղ են գիտական շրջանառության մեջ դրվում էջմիածնի Գևորգյան ճամբարանում ընդունվելու, այնտեղ սովորելու և դուրս գալու, ապա՝ Թիֆլիսի Ներսիսյան դպրոցում սովորելու վերաբերյալ վավերագրերը (էջ 12, 16), հայ գրողների (Պ. Պոռչյան, Ղ. Աղայան, Հովհ. Թումանյան, Ավ. Իսահակյան) հետ ծանոթանալու, նրա դրական միջավայրի ու կապերի հետզհետե ընդլայնման վերաբերյալ փաստերը, հորեկյանների վերաբերող նյութերը (էջ 42—45), Հայրենական պատերազմի և հետպատերազմյան շրջանի երազական ու հասարակական գործունեության բնութագրումը և վերջապես՝ առանձին հետաքրքրություն ներկայացնող՝ Ֆրանսիացի նշանավոր դրող Լուի Արադտիի նամակը Դեմիրճյանին՝ դրված Փարիզից (1956 թ. մարտի 8-ին, էջ 48—49) և այլն:

3. Աշխատության մեջ քննարկված և ինքնուրույնաբար լուծված են Դեմիրճյանի ստեղծագործության հանդուցային բազմաթիվ հարցեր, որոնց դեպի մասն առաջին անգամ այս մեծագործության հեղինակն է առաջադրել:

Աշխատության շարադրանքի մեջ հաջողությամբ դրսևորվում է ղեկավարված ստեղծագործության վերլուծման ու գնահատման հասարակագիտական և գեղագիտական սկզբունքների միասնությունը: Գրողի գերն ու մեծությունը չափելով նրա ստեղծագործության գեղարվեստական լիարժեքությամբ՝ տվյալ դարաշրջանում իր մայր ժողովրդի կենսական պահանջներին ղեկավարված խոսքով արձագանքելու դրողի ձգտումով և ուժով, դրականադետ Դեմիրճյանի ստեղծագործությունը քննում, վերլուծում ու արժեքավորում է՝ տվյալ դարաշրջանի հայ դրական-գեղարվեստական մտքի, գեղարվեստական մշակույթի զարգացման ընթացքի մեջ, որպես այդ զարգացման օրինաչափ երևույթ՝ այդ զարգացման հասարակական-քաղաքական պայմանավորվածության խոր իմացությամբ:

4. Ընդհանուր առմամբ հաջողությամբ է վերլուծված ու ճիշտ գնահատված Դեմիրճյանի պոեզիան, նրա քնարերգությունն ու պոեմները: Դեմիրճյանի ստեղծագործության այս բաժնի քննարկումը հեղինակը կատարել է ժամանակաշրջանի (90-ական թվականների և դարասկզբի) հայ պոեզիայի լայն շրջանակում, գիտելով վերջինիս սերտ կապն ու առնչությունը 19-րդ դարի արևմտավրոպական ու ռուսական պոեզիայի (Բայրոն, Հայնե, Լերմոնտով) հետ:

Դեմիրճյանի ու նրան ժամանակակից հայ բանաստեղծների (Հովհ. Թումանյան, Ավ. Իսահակյան, Վ. Տերյան) ստեղծագործության համեմատական քննությամբ բացահայտվում է նրանց ընդհանրությունը և մանավանդ այն տարրերից՝ դժերը, որոնցով բնութագրվում է Դեմիրճյան-բանաստեղծը:

Շնորհալի, մինչև իսկ տաղանդավոր բանաստեղծ, բայց գերազանցապես ինքներգու, ինքն իր մեջ ամփոփված, իր մենության բանտում հոռետեսությամբ տառապող բանաստեղծ, բայց ոչ զուրկ լուսավոր էջերից, որոնցով նա միանում է հայ պոեզիայի ընդհանուր առաջնության, — այս է Դեմիրճյանի նախահոգեմեղման շրջանի պոեզիային տրված հեղինակի ընդհանուր գնահատականը:

Հետաքրքրական և ուշադրավ է հեղինակի միտքը մասնավորապես Դեմիրճյանի և Վ. Տերյանի բանաստեղծական աշխարհազգացողության, նրանց երգած մոտիվների հարադատության ու սերտ կապի մասին: Ժիշո է դիտված, օրինակ, որ «աշնան թեման հայ պոեզիայի մեջ մուտք

դործեց և իրեն ժառանգություն (հ) Տերյանին անցավ Դեմիրճյանի պոեզիայի միջոցով, որ աշնաներգության իր եղբոր թեմայով, «Դեմիրճյանի պոեզիան» (ճիշտ կլինե՞ր ասել՝ միայն բնարևոդություն—Ա. Ա.) նկատելի դեր ունեցավ Վ. Տերյանի թեմատիկայի և արվեստի ձևավորման մեջ» (էջ 62):

Ճիշտ են դիտված նաև Դեմիրճյանի և Ավ. Իսահակյանի պոեզիայի միջև եղած նկատելի բնդհանրությունները, ինչպես և այն, որ, մինչդեռ Իսահակյանի պոեզիան զերակշիռ չափով հատկանշվում է խորը ժողովրդայնությամբ, Դեմիրճյանի պոեզիան, մասնավորապես նրա բնարևոդությունը՝ ժողովրդայնության շունչը չունի։ Այս, իհարկե, ճիշտ է։ Բայց մեզ թվում է փաստական անճշտություն կա Ավ. Իսահակյանի պոեզիայի սկզբնավորման շրջանի բնութագրման խնդրում։ «Իսահակյանի պոեզիայի առանձնահատկությունն այն է,—ասված է մեկնադրության մեջ,—որ ձևավորվելով իրեն մտավորականության պոեզիա, զարգացավ ժողովրդայնության թուփանջանական ուղիով, համազգայնության ուղիով» (էջ 58):

Չնեք կարող բաժանել այս կարծիքը։ Պետք է ուղղակի հակառակն ասել, որ Իսահակյանի պոեզիայի առանձնահատկությունն այն է, որ նա ճիշտ սկզբից ձևավորվեց ոչ իրեն մտավորականության, այլ իրեն խորապես ժողովրդային պոեզիա, աշխատավոր ժողովրդին խորապես հարազատ ու հասկանալի պոեզիա և միայն իր նետազա զարգացման ընթացքում, առավելապես դարասկզբի քսանամյակում, Իսահակյանի ստեղծագործության մեջ հետզհետե ավելի զգալի դարձավ այն հոսանքը, ինչ որ Մուրադյանը բնութագրում է իրեն «մտավորականության պոեզիա»:

Շեղինակն ըստ արժանվույն ղեկավարում է Դեմիրճյանի պոեմներից մասնավորապես «Կյանքի տեսիլը» փիլիսոփայական երկը (82—87) և «Լենկթևուր» պատմական պոեմը (88—91): Ճիշտ է նկատված, որ քնարևոդության մեջ, մասնավորապես քառյակներում, առավելապես հիշյալ երկու պոեմներում Դեմիրճյանը «ժողովրդի կյանքին ու պայքարին, նաև ժողովրդական բանավեպերին մերձենալու» նկատելի քայլեր է արել (էջ 88):

Ընդհանուր առմամբ հաջողությամբ և առաջին անգամ այս աշխատության մեջ է լրվել ընդգրկումով վերլուծված ու ղեկավարված Դեմիրճյանի պոեզիան, որոշված Դեմիրճյանի բանաստեղծի ուրույն տեղն անցյալ դարավերջի ու ներկա դարասկզբի հայ պոեզիայում:

5. Մեկնադրության մեջ լայնորեն ցույց է տրված, որ սովետական շրջանը Դեմիրճյանի ստեղծագործական մտքի իմաստուն հասունության, մեծ խոյանքների ժամանակաշրջանն է, որի ընթացքում նա հանգես է դալիս իր ինքնատիպությամբ և տաղանդի ուժով, որպես զարվեստական խոսքի անդուդական մեծ վարպետ՝ միաժամանակ թե՛ դրամատուրգիայի, թե՛ արձակի և թե՛ պատմավիպագրության բնագավառներում:

Եթե նախասովետական շրջանում Դեմիրճյանի ստեղծագործությունն իր ամբողջությամբ վերցրած, ստեղծագործական մեթոդի առումով՝ զգալիորեն հեռու էր ռեալիզմի կենսահաստատ ժողովրդայնության ճանապարհից, սոցիալական ամուր հենարան չունեցող գրողը նկատելիորեն տարուրելվում էր անհատապաշտության և հոռետեսության մթին ուղիներում,—այս սովետական շրջանում՝ սոցիալիստական հեղափոխության հաղթանակի, ազատագրված մայր ժողովրդի ազգային վերածննդի կենսաշունչ մթնոլորտում՝ Դեմիրճյանը ներքնապես ու հիմնովին վերափոխվում է՝ հաստատորեն կանգնելով «նոր դարաշրջանի նոր գրականության» դիրքերում՝ սոցիալիստական ռեալիզմի դիրքերում, որի խոշորագույն արվեստագետներից մեկն է դառնում նա:

Եթե նախասովետական ժամանակաշրջանում Դեմիրճյանի ստեղծագործության մեջ գերիշխող էր, ինչպես ասում է հեղինակը՝ «մի ընդհանուր տենդենց»՝ գրողի պասսիվ հայեցողական վերաբերմունքը դեպի կյանքը» (էջ 88), բայց միաժամանակ կար՝ թեև ոչ վերրեթաց դժով զարգացող, այնուամենայնիվ առկա էր՝ ժողովրդի իրական կյանքին մոտենալու ազնիվ ձրդտումը՝ դրականության ժողովրդայնացման ու «հայրենացման» (Դ. Դեմիրճյանի բառն է) կենսական գիծը, որը սովետական ժամանակաշրջանում դարձավ գերիշխողը:

6. Ակնհառու հաջողությամբ են վերլուծված ու ղեկավարված սովետական շրջանի զեղարվեստական արձակը և դրամատիկական երկերը, ճիշտ դիտված ու բացահայտված են թե՛ արձակի և թե՛ դրամատիկական ստեղծագործության Դեմիրճյանական արվեստի առանձնահատկությունները, որոնցով Դեմիրճյան-արձակագիրը և Դեմիրճյան-դրամատուրգն իր ուրույն ու նշանակալից տեղն է զբաղում սովետահայ արձակագրության և դրամատուրգիայի սկզբնավորման ու հետագա զարգացման պատմության բոլոր փուլերում՝ սկզբից մինչև 50-ական թվականների վերջերը:

Բայց այստեղ նկատենք, որ Դեմիրճյանի, որպես դրամատուրգի դիմանկարը, դրամատուրգիայի մարզում ևս նրա ստեղծագործական հետաքրքրությունների շրջանակի լայնությունն ավելի ամրոգեցական ու լրիվ կլինեն, եթե հնչյունակը զեթ շատ համառոտակի անդրադառնար նաև Դեմիրճյանի մյուս դրամատիկական երկերին, ինչպես՝ «Հաղթական սիրո երգը» (1926 թ.), «Արհավիրքներով» անավարտ պիեսը (մի հատվածը «Ենթադրվում է» ամսագրի 1931 թ. թ. գրքում, էջ 10—20), վերջապես՝ Հայրենական մեծ պատերազմի սկզբին գրված «Բժիշկ Բաղրատունու ընտանիքը» (1941 թ.) և «Ընկերներ» (1942) վերնագրով պիեսները։ Իհարկե, այս երկերը՝ հեղինակի երկրորդական արժեքի գործեր են, բայց այնուամենայնիվ, քանի որ դրանք մեծ արվեստագետի մտքի ու գրչի արդյունքներից են, պետք էր՝ հենց այդ նկատառումով՝ անդրադառնալ դրանց, մանավանդ, որ դրանցից առաջին երկուսը փետրվարյան ու հոկտեմբերյան հեղափոխությունների և քաղաքացիական պատերազմի ժամանակաշրջանի հասարակական-քաղաքական կյանքի դրամատիկական պատկերման փորձեր են և բացահայտում են Դեմիրճյանի նոր ստեղծագործական որոնումները, հեղափոխության դարաշրջանի դրական-գեղարվեստական պրոբլեմատիկային մերձենալու նրա եռանդուն ձգտումը։

7. Հավ է, որ «Փաշ Նազար» կատակերգության վերլուծությունից հետո՝ գրականագետը ընթերցողի ուշադրությանն է ներկայացնում նաև Դեմիրճյանի մտահղացումը իր այս դրամատիկական երկը երգիծավեպի վերածելու։ Այդ առնչությամբ Դեմիրճյանի 1944 թ. դրած՝ «Հետագա անելիքներին մասին» հոդվածից բերված քաղվածքին վերաբերող իր մեկնաբանություններում հեղինակն այն ենթադրությունն է անում, թե՛ Դեմիրճյանը՝ «մտադիր է եղել ավելի ևս հեռանալ հեթանոսից... ստեղծելով նոր դարաշրջանին համապատասխան մի լայն էպոպեա...» (էջ 297)։

Այս ենթադրությունը թվում է ոչ ամբողջովին է համապատասխանում Դեմիրճյանի մտահղացմանը։ Դեմիրճյանի մտահղացած «վեպը» լինելու էր ոչ թե «էպոպեա», որի բովանդակությունը միշտ լինում է իրական պատմական կյանքի մի խոշոր իրադարձության լայնածավալ բնորոշումը՝ ժամանակի ու տարածության որոշակիությամբ, այլ՝ այնպիսի վեպ, որն իրական մարդկային կյանքի, մարդկանց սոցիալական-քաղաքական հարաբերությունների պատկերման էությունը հեռացնում էր լինելու միայն «Փաշ Նազարի» դրամատիկական ձևից, բայց ոչ երգիծանքից-սատիրայից։— Դա լինելու էր հենց երգիծավեպ՝ «փիլիսոփայական սատիրա»-ինչպես որոշակիորեն ասում է Դեմիրճյանն իր հիշյալ հոդվածում։ Այս առնչությամբ հնարավոր էր պատասխանել և այն հարցին, թե Դեմիրճյանը գործնականորեն չի՞ փորձել արդյո՞ք՝ իրականացնելու իր մտահղացումը՝ դրամատիկական երգիծանքը՝ վիպականի վերածելու։

8. Սովետական շրջանի ստեղծագործությանը նվիրված գլուխների շարքում ամենահաջողվածներից են Դեմիրճյանի պատմագեղարվեստական երկերին («Գիրք ծաղկանց», «Երկիր հայրենի», «Վարդանանք» և «Մեսրոպ Մաշտոց») նվիրված էջերը, որոնք ակնառու տեղ են գրավում այս (սովետական) բաժնում։ Դրականագետը հանդամանորեն վերլուծում է այդ երկերը, մասնավորապես դրանց հերոսների կերպարները, ցույց տալով, որ այդ երկերը մեծ դրողի ստեղծագործական մտքի բարձրագույն խոյանքներն են և մեր սոցիալիստական վերածննդի դրականության՝ հարաձուլված մտայնությանը օժտված հոյակապ կոթողներ, որոնց մեջ նրշմարտացի անդրադառնում է մեր ժողովրդի բազմադարյան կյանքի կենսահաստատ ուղին՝ աղաքալիքի խորապես օպտիմիստական հեռանկարի մեջ։

Դեմիրճյանի պատմա-գեղարվեստական ստեղծագործությունների շարքում ամենանշանակալից ու համապարփակ երկն, անշուշտ, «Վարդանանքն» է, մեր ժամանակի հայ վիպագրության, գլուխ-գործոցը, որի հրատարակությունը բուռն արձագանք գտավ մամուլում և ընթերցող հասարակության ամենալայն շրջաններում։

Այդ ամենից հետո «Վարդանանքի» մասին առանձին պատմա-գրական հետազոտության (Վ. Նալբանդյանի «Վարդանանց պատերազմը և Դ. Դեմիրճյանի «Վարդանանքը», 1955) երկվան զայն էլ միանգամայն օրինաչափ էր։ Եվ ուրեմն հասկանալի է, թե ինչու մեծածախ գրողի կյանքին ու գործունեությանը նվիրված ծավալուն մենագրության մեջ «Վարդանանքի» վերլուծությունը զերակշիռ տեղ է գրավում։ Այն կատարված է համակողմանի ծրագրով, թե՛ պատմա-քննական և թե՛ գրական-գեղագիտական հանցակետից, բայց որում հեռավոր անցյալի պատմական իրադարձությունների, վեպի կերպարների գեղարվեստական պատկերման, ճշմարտացիությունն, ընդհանուր առմամբ, ստուգվում է պատմական ճշմարտության արտահայտման չափանիշով։ «Վարդանանքն» իրավամբ ընդամենը է իրեն Դեմիրճյանի ստեղծագործական մտքի գլուխ-գործոցը և հայ պատմա-վիպագրության գլուխ-գործոցներից մեկը՝ զրվելով այն Բաճճու «Սամվելի» ու «Դավիթ Բեկի» և Մուրացանի «Գեորգ Մարգարեանի» կողքին։ Իրա-

վացիորեն այդ հոյակապ շարքումն է դրվում նաև Ստ. Զորյանի «Պապ Քաղավորը», որը նույն-պես արժեքավորվում է մենագրության մեջ «Վարդանանքին» զուգահեռ քննությամբ:

Բայց մասնավորապես Վասակի կերպարի առնչությամբ, նաև Դեմիրճյանի պատմական-կոնցեպցիայի վերաբերյալ արված հեղինակի քննադատական գիտությունները լուրջ խորհրդածությունների առիթ են տալիս: Իհարկե, հեղինակը ճիշտ է նկատում, որ Դեմիրճյանի վնասում Վասակի կերպարը անհնազանդության հակասական է, բայց հարկ է նկատի ունենալ և այն, որ Վասակի վիպական-գեղարվեստական կերպարի այդ հակասականությունը մեծ մասամբ բխում է պատմական Վասակի մարդկայնական գործունեության բարդությունից և հակասականությունից, որը չի անտեսել Դեմիրճյանը: «Վարդանանքի» ընդգրկած ժամանակաշրջանի հայ կյանքի, Հայաստանի ներքին ու արտաքին սոցիալ-քաղաքական հարաբերությունների գիտական լրջախոհ ուսումնասիրությունից (հիշենք վիպագրի «Վարդանանց պատերազմը» հայտնի պատմաքննական: Նետադատությունը՝ հրատարակված «Սովետական գրականություն» ամսագրի 1943 թ. № 3 և 4—5) Դեմիրճյանը հանգել էր այն եզրակացության, որ Ավարայրի ճակատամարտին նախորդած տասնամյակի ընթացքում (այսինքն՝ Վասակի մարդկայնության ժամանակամիջոցում) ոչ միայն Վասակը, այլև Վարդանը «իրենց օրինետացիաների մեջ հստակ չեն»,—գրում է Դեմիրճյանը և որ, ինչպես Վասակի, «Վարդանի օրինետացիան ևս բարդ երևույթ էր: Մինչդեռ մենագրության հեղինակը, կարծեք, որն է բարդություն չի տեսնում ոչ Վարդանի, ոչ պատմական Վասակի գործունեության, նրանց գործելակերպի ու կողմնորոշումների մեջ: Իսկ վիպագիրն իր սեփական, ինքնուրույն պատմահայեցողությունն ու պատկերացումն ունի պատմական Վասակի, իբրև Հայաստանի մարդկայնի մասին. թեև նրա պատկերացումն էլ նկատելիորեն հակասական է, աչնումենայնիվ անարդարացի է գրականագետը, որ վիպագրին վճռականորեն մեղադրում է այն բանի համար, թե՛ իբրև նա «կանգնել է օբյեկտիվիստական դիրքի վրա՝ Վասակի և նրա պատմական դերի գնահատության խնդրում» (էջ 457): Մեզ թվում է ճիշտ կլինեք, եթե Վասակի նկատմամբ Դեմիրճյանի պատմա-վիպագրին օբյեկտիվիստական դիրքին մեջ մեղադրելու փոխարեն, ինչպես՝ Վարդանի, նույնպես և Վասակի վիպերգական կերպարների պատմական ճշմարտացիությունը ավելի լրջորեն ստուգվեք այդ կերպարների պատմական նախատիպերի գործունեության իրական, հավաստի փաստերով, քստ որում՝ նրանց կերպարների բնութագրման ելակետը լինեք ոչ թե՛ «Վարդանը հայրենասեր», իսկ Վասակը՝ «սկզբից ևեթ դավաճան ու հայրենադավ գործիչ» պարզունակ ավանդական սխեման, այլ՝ քստ արժանվույն գնահատելով անձնուրաց Վարդանի ու վարդանանց հայրենասիրական գյուցադնագործությունը հայ ժողովրդի պատմական կյանքում,—միաժամանակ նկատի առնվեք, որ մինչև այդ ճակատամարտը ու նրանից հետո էլ Հայաստանում եղել է ազատագրական շարժման, ինքնուրույն հայկական պետականությունը վերականգնելու երկու հիմնական հոսանք, որոնցից մեկը գլխավորում էր Մամիկոնյան նախարարությունը՝ հանձին Վարդանի, մյուսը՝ սյունյաց նախարարությունը՝ հանձին մարդկայնության հասած Վասակի:

Անտեսելով Հայաստանի նախարարական տների ներքին և արտաքին հարաբերությունները, դերիշխանության համար նրանց մղած պայքարի բարդությունը, գրականագետը՝ Մամիկոնյան նախարարության շուրջը համախմբվածներին համարելով հայրենասերներ, իսկ Վասակ Սյունիին՝ հենց միայն պատմական (նշանակալից չափով՝ կրոնական-եկեղեցական) ավանդության համաձայն՝ սկզբից ևեթ հայրենիքի դավաճան, խնդիրը լուծված է համարում՝ դրանից հետևելով նաև այն, թե՛ Դեմիրճյանը «օբյեկտիվիստ» է, որ Վասակին ուղիղ գծով չի ներկայացրել իբրև «հայրենիքի դավաճան»:

Մեզ ճիշտ ու համոզիչ է թվում մեր պատմա-բանասիրական գրականության մեջ (Ա. Գաբրիելյան, Ն. Աղոնց և այլն) բավականաչափ հիմնավորված հարցադրույթն այն մասին, որ ինչպես գրում է ակադեմիկոս Աշոտ Հովհաննիսյանը՝ «5-րդ դարում Հայաստանում տեղի ունեցած այսպես կոչված «կրոնական պատերազմների» ընթացքում, հայ նախարարական նշանավոր տների միջև խուլ պայքար կար այն բանի շուրջը», թե՛ այդ «տներից ո՞րի գլխավորությամբ պիտի նվաճվի Հայաստանի քաղաքական անկախությունը, կամ այլ խոսքով, նախարարական տներից ո՞րը պիտի ժողովրդի կրթականաց առն թագը»:

Հովհաննիսյանը ուշադրով ու համոզիչ է համարում գրականագետ-բանասեր Վ. Նալբանդյանի հետադատությունը («151 թ. ազատագրական շարժման հետ կապված մի հարցի շուրջը»:

3 «Սովետական գրականություն», 1943, № 3, էջ 122 և 123:

4 Աշոտ Հովհաննիսյան, Դավադներ հայ ազատագրական մտքի պատմության, դիրքառաչին, 1957, Երևան, էջ 96—97:

«Տեղեկագիր», 1953, № 12, էջ 69—73), որը՝ «գիտել է տալիս» թե Հայաստանի պատմությունը փաղափական այդ առանցքի շուրջն էր զտնուցվում... 5-րդ դարի կեսերին... Վարդանանց պատերազմի նախօրեին և այդ պատերազմի ժամանակ»:

Քիչ հետո ամփոփելով իր միտքը այս շատ ձական հարցի շուրջը՝ պատմաբանը գրում է. «Այս ամենից զմպար չէ հանգել այն եզրակացության, թե «Վարդանանց պատերազմի ժամանակ Մամիկոնյան և Սյունյաց նախարարական տներին բախումը տեղի ունեւ մասամբ ճնշեց Արարիկունաց փաղափական ժողովրդային շուրջը, հանգամանք, որ մեզ հասած հնագույն պատմական աղբյուրների մեջ գիտափորձյալ մթաղկվել է կամ գուրս ձգվել հետագա գրիչների ձեռքով՝ նպատակ ունենալով վեր հանել սոսկ անցքերի կրոնա-բարոյական կողմը կամ ներկայացնել Վարդանին և յուրաքանչեւ, որպես կրոնի ու եկեղեցու համար նահատակված վկաներ»:

Մեզ թվում է, որ պատմագիտական հանցակետից Վարդանի ու մարդպան Վասակի, իրեն բողաքական գործիչների բախման առանցքային հարցը այդ է և ոչ թե այն, թե՛ Վարդանը հայրենասեր էր, իսկ Վասակը, իրը՝ սկզբից եկե՛ «զավաճան րստ ամենայնիս» (էջ 461), ինչպես որ աղում է տեսնել մենագրության հեղինակը Դեմիրճյանի վկայում:

9. Աշխատությունը գրված է ոգևորությամբ, բանաստեղծական ներշնչանքով: Բայց մեծ գրողի անձի նկատմամբ ունեցած անհուն հարգանքն ու սերը, նրա թողած անկշռելի արժեքի գրական ժառանգության բարձր գնահատման ոգևորությունը, ամենևին չի խանգարում հեղինակին գրեթե ամենուրեք գիտական-հետազոտողի սթափ հայացքով գիտելու և քննելու գրողի ստեղծած արժեքները, միշտ մնալով գիտական բարձրության վրա՝ գրողի կյանքն ու գործը, նրա ստեղծագործությունը որչեղտով գիտական ճշմարտացիությամբ գնահատելու իր պարտքի գիտակցությամբ:

Այդ հաստատվում է՝ Դեմիրճյանի ստեղծագործության լավագույն երկերին տրված բարձր գնահատականներին ուղեկցող լուրջ ու տեղ-տեղ շատ խիստ քննադատական գիտողությունների առկայությամբ՝ գրողի, մասնավորապես նախաստվետական, այլև սովետական շրջանի ստեղծագործության թուլությունների, սխալների բացահայտման ձգտումով, որի արտահայտություններին կարելի է հանդիպել մենագրության այլ և այլ գլուխների բաղաժամով էջերում (58, 59, 61, 65, 94, 103—111, 132—143, 144, 216—217, 223—224, 276, 298 և այլն, և այլն):

10. Վերը մեկ-երկու առիթով արդեն նշելիքը, որ անթերի չէ այս արժեքավոր աշխատությունը: Այժմ մի քանի գիտողություններ ևս.

ա) Շատ ցանկալի կլիներ, եթե մեծ գրողի կյանքն ու ստեղծագործությունը գիտականորեն ամփոփող այս առաջին ամբողջական ու ծավալուն մենագրության մեջ մի առանձին գլուխ լիներ նվիրված Դեմիրճյանի գրական-գեղագիտական հայացքների ամբողջական շարադրմանն ու գնահատմանը, ավելի ակնառու ցույց տալու համար, թե սովետական դարաշրջանի հայ մեծ գրողն ու մտածողը ի՞նչ ներգրում է կատարել սոցիալիստական ռեալիզմի գրականության ու արվեստի գեղագիտության մեջ:

բ) Մենագրության կառուցվածքի վերաբերյալ. մեզ թվում է, որ ավելի ճիշտ կլիներ, եթե «կյանքը» գլխի երկրորդ՝ սովետական շրջանի ներկայացնող հատվածը (էջ 37—52) տրվեր նույն շրջանի սկզբում՝ Քսանական թվականների արձակքը գլխից առաջ: Մինչդեռ այն տրված է նախաստվետական շրջանի պոեզիայից, արձակից ու դրամատուրգիայից առաջ:

գ) Մենագրության մեջ գրեթե ամբողջովին անտեսված է և առանձին քննության առարկա չի դարձել Դեմիրճյանի սովետական շրջանի ստեղծագործության մի շատ հարուստ բաժինը երգիծարանական արձակը, որն ակնառու տեղ է գրավում մանավանդ 20—30-ական թվականների նրա գրական գործունեության մեջ: Մենագրության միայն այլ և այլ էջերում (օրինակ էջ 39—40, 172, 276, 309) և այն էլ մեկական բառով կամ նախադասությամբ հիշատակումներ կան Դեմիրճյանի մի քանի ֆելիտոնների մասին: Բայց առանց Դեմիրճյանի ստեղծագործության մի հարուստ բաժնի ուսումնասիրության՝ ամբողջական չի լինի Դեմիրճյան-երգիծարանի գիմանկարը և ընդհանրապես Դեմիրճյանի սովետական ժամանակաշրջանի ստեղծագործական ու գաղափարական գիմանկարը:

դ) Ճիշտ է վարվում գրականագետը, երբ միննույն թեմայի գեղարվեստական տարրեր մշակումների առկայության դեպքում հիշատակում ու քննարկում է համարյա բոլոր այլ մշակումները՝ նպատակ ունենալով ցույց տալ, թե ինչ նոր խոսք է ասում Դեմիրճյանն իր նախորդ-

ների կամ ժամանակակիցների համեմատությամբ նույն թեման մշակելիս: Այդպես է վարվել նա, օրինակ՝ «Վարդանանքը» վերլուծելիս:

Բայց դրականադեպ նույն մոտեցումը չի ունեցել Դեմիրճյանի նշանավոր «Փաշ Նազարը» վերլուծելիս: Մինչդեռ այստեղ էլ նա պետք է, զեթ համառոտակի, անդրադառնար ժողովրդ-յական այդ իմաստուն հերիաթի այն մշակումներին, որ կատարել են՝ Դեմիրճյանից առաջ Հով. Թումանյանն ու Ավ. Իսահակյանը (առաջինի «Փաշ Նազարը», երկրորդի՝ «Աղա Նազարը»), իսկ Դեմիրճյանից հետո զեղարվեստական խոսքի մի այլ վարպետ՝ Ստ. Զորյանը: Հիշենք վերջինի «Անհաղթ Նազարը», որի ժողովրդական մի տարրերակր նա ինքն անձամբ գրի է առել 1937 թ. ու զրականորեն վերամշակել՝ Դեմիրճյանից ավելի քան քսան տարի հետո, բայց տարրեր, թե՛ ժանրով և թե՛ զեղարվեստական մեկնաբանությամբ:

Հարկ էր մեկնաբանել, թե բացի ժանրային տարրերությունից՝ նաև իր ներքին էությունը, իր փիլիսոփայությամբ՝ ինչո՞ւ է հատկանշվում Դեմիրճյանի այդ բացառիկ մշակումը մյուս յուրորդ մշակումների համեմատությամբ:

Ե) Մեր կարծիքով ճշման կարիք ունի նախասովետական շրջանի՝ ոչ հեղափոխական դի-րերից հետադարձ հաղթանակած հեղափոխության դիրքերն անցած հաջ գրական մտավորա-կանությանը, սովյալ զեպրում և Դեմիրճյանին տրված բնութագիրը՝ նրա 20-ական թվական-ների ստեղծագործության զնահատման հիման վրա:

զ) Փաստական վրիպում, ժամանակագրական անճշտություն է, թե՛ Իսահակյանն ու Դե-միրճյանը Հովհ. Թումանյանից «Մոտ մեկ տասնամյակ հետո են հանդես եկել» զրականության մեջ (էջ 56):

Ահա զլիափորապես սրանք են մեր դիտողությունները մեկնադրության թերությունների մա-սին:

* * *

Նախասովետական տարիներին զրված բանաստեղծություններից մեկում, խորհրդածելով իր զրական բախտի մասին՝ Դեմիրճյանը տխրությամբ նարցնում էր.

Եվ մի՞թե իրավ ևս չե՞մ բանաստեղծ,

Եվ մի՞թե իրավ մեռակ երգելով՝

ոս փոքր չերթամ աշխարհից այս մեծ,

Եվ չեմ եկել ևս Աստծու կանչելով: (ԵՃ, հ. 6, էջ 41):

Այս բանաստեղծությունը գրելիս՝ Դեմիրճյանն անցել էր ավելի քան քսանամյա ստեղծա-գործական կյանքի ճանապարհ և նրա տաղանդն արդեն փայլատակել էր թե՛ պոեզիայի, թե՛ արձակի և թե՛ զրամատուրգիայի մարդեւում, բայց նրա՛ն թվում էր, թե ինքը մնում էր զերա-զանցորեն իրեն մի շարքային բանաստեղծ:

Գրականադեպ Հրայր Մուրադյանի մեծարժեք աշխատությունը զիտականորեն հիմնավոր պատասխան է Դեմիրճյանին մտահոգություն պատճառած հարցին, որ՝ այո՞, էս հայրենի զրա-կանության մեջ իր կյանքն սկսեց ոչ իրեն մեծ բանաստեղծ, բայց նվիրական երկիր հայ-րենին, իր մեծ վերածննդի զարաշրջանում նրան վերածնեց, որպես խոշորագույն արձակա-գիր-վիպագիր ու զրամատուրգ՝ իր հզոր տաղանդի հանճարափայլ զսեկորումներով և որ «աշ-խարհից այս մեծ» նա մեկնեց իրեն խոսքի մեծ արվեստադետ, թողնելով անթառամ ժառան-գություն, որ նրա անժամկետ ուղեղին է զեպի անմահություն:

ԱՍ. ԱՍԱՏՅԱՆ